

საქართველოს რეგიონული განვითარებისა და ინფრასტრუქტურის
სამინისტროს საქართველოს საავტომობილო გზების დეპარტამენტი



საერთაშორისო და შიდასახელმწიფოებრივი მნიშვნელობის
საავტომობილო გზების სარეაბილიტაციო სამუშაოების
საზედამხედველო მომსახურების

სახელმწიფო შესყიდვის ელექტრონული ტენდერის საშუალებით
განხორციელების

სატენდერო დოკუმენტაცია

ქ. თბილისი

სარჩევი

1. ინსტრუქცია ტენდერში მონაწილეთათვის-----	3
2. ტექნიკური დოკუმენტაცია-----	5
3. სახელმწიფო შესყიდვის შესახებ ხელშეკრულების პროექტი-----	9
4. დამატებითი ინფორმაცია-----	12
5. დანართი №1, აფიდავიტის საილუსტრაციო ფორმა-----	15
6. დანართი №2-----	17
7. დანართი №3-----	22
8. დანართი №4 -----	23

1. ინსტრუქცია ტენდერში მონაწილეობის

1.1. სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვის პროცედურები ხორციელდება საქართველოს კანონის “სახელმწიფო შესყიდვების შესახებ”, “სახელმწიფო შესყიდვების განხორციელების წესის შესახებ” დებულებისა და “სახელმწიფო შესყიდვის ელექტრონული საშუალებით განხორციელების შესახებ დროებითი წესის” შესაბამისად.

1.2. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ. დანართი №1.

1.3. ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული საგარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში, ელექტრონული გარანტიის წარდგენა და საფასურის გადახდა ყოველ კონკრეტულ ტენდერში შესაძლებელია განხორციელდეს სისტემის გამოყენების გარეშე.

1.6. ამ ინსტრუქციის 1.5. პუნქტის გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული

ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად ტენდერში მონაწილეობის შესაძლებლობა.

1.7. ელექტრონული გარანტიის ოდენობა შეადგენს ობიექტის საგარაუდო ღირებულების 1 (ერთ) პროცენტს. გარანტიის მოქმედების ვადა 60 დღით უნდა აღემატებოდეს სატენდერო დოკუმენტაციის სისტემაში ატვირთვის დაწყების თარიღს.

1.8. მას შემდეგ, რაც ზემოთაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.9. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.10. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.12. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

1.14. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი

წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება

მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში-კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.17. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18. იმ შემთხვევაში თუ ორი და მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.20. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი

ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.21. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტაციის წარდგენიდან არაუგვიანეს 5 (ხუთი) სამუშაო დღისა, შემსყიდველი დებს მასთან სახელმწიფო შესყიდვის შესახებ ხელშეკრულებას.

1.22. პრეტენდენტის დისკვალიფიკაცია ხდება შემდეგ შემთხვევებში:

ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტაციის წარმოდგენლობის ან/და ხარვეზის მქონე მონაცემების წარმოდგენისას.

ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;

ე) პრეტენდენტის მიერ არაკეთილსინდისიერი ქმედების განხორციელებისას.

1.23. ამ ინსტრუქციის 1.22, ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.24. გამარტივებული ელექტრონული ტენდერის ან ელექტრონული ტენდერის ჩატარებისას, “სახელმწიფო შესყიდვის ელექტრონული საშუალებით განხორციელების შესახებ დროებითი წესის” მე-2 მუხლის პირველი პუნქტის “ქ”, “რ”, და “ტ”

ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე საკვალიფიკაციო მონაცემების დამადასტურებელი დოკუმენტების წარმოდგენის შემთხვევაში.

1.25. იმ შემთხვევაში, თუ ელექტრონული გარანტიის პრეტენდენტისთვის დაბრუნება მოხდება ამ ინსტრუქციის 1.24. პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.26. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას;

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდა მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის პრეტენდენტს წარუდგინოს კონკრეტული მტკიცებულება ან

დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერების ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.27. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტის ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.28. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.29. სახელმწიფო შესყიდვების ერთიან ელექტრონულ სისტემაში (შემდგომში სისტემა) ატვირთული ყველა დოკუმენტი ან/და ინფორმაცია ხელმოწერილი ან/ და ბეჭედდასმული უნდა იყოს უფლებამოსილი პირის მიერ.

1.30. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.31. პრეტენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1. საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1. იურიდიული პირებისათვის:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

ბ) ამონაწერი სამეწარმეო რეესტრიდან;

გ) ცნობა საგადასახადო სამსახურიდან დავალიანების შესახებ;

დ) ხელისმოწერისათვის გაცემული მინდობილობა, იმ შემთხვევაში, თუ ხელისმომწერი პირი არ არის წარმომადგენლობითი უფლებამოსილებით აღჭურვილი;

2.1.2. ფიზიკური პირებისათვის:

ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

ბ) ცნობა შესაბამისი უფლებამოსილი, ლიცენზირებული სამედიცინო დაწესებულებიდან რომ მას მოლიანად ან ნაწილობრივ არ აქვს შეზღუდული ქმედითუნარიანობა;

გ) ცნობა საგადასახადო სამსახურიდან დავალიანების შესახებ.

2.1.3. როგორც იურიდიული ასევე ფიზიკური პირებისათვის:

ა) პრეტენდენტმა უნდა წარმოადგინოს რეკვიზიტები, სატენდერო წინადადების ფასი და სატენდერო წინადადების ვადა დანართი №2-ის მიხედვით, ფასების ცხრილი (ხარჯთაღრიცხვა) დანართი №4-ის შესაბამისად.

ბ) ინფორმაცია მომსახურების გასაწევად საჭირო მოწყობილობა-დანადგარების და აპარატურის შესახებ.

შესყიდვაში მონაწილეობის მსურველ პირს ტენდერით გათვალისწინებული მომსახურების გასაწევად უნდა გააჩნდეს საკუთარი ან საქართველოს სამოქალაქო კოდექსით ნებადართული ან აუკრძალავი ნებისმიერი ფორმით (ქირა, თხოვება და ა. შ.) თანამედროვე ტექნიკური მოთხოვნების შესაბამისი, საზედამხებელო სამუშაოებისათვის საჭირო შესაბამისი ტექნიკა, სატრანსპორტო საშუალებები და სხვა შესაბამისი მოწყობილობა-დანადგარები, აპარატურა და ხელსაწყოები.

ინფორმაცია წარმოდგენილი იქნას ქვემოთ მოცემული ცხრილის შესაბამისად.

№	მოწყობილობა-დანადგარების და აპარატურის დასახელება	აღწერილობა, მოდელი, ტიპი, მარკა და ასაკი	რაოდენობა	მდგომარეობა (ახალი, ნახმარი, მოძველებული)	საკუთრება: მფლობელობის ან სარგებლობის ფორმა. იჯარის შემთხვევაში წარმოდგენილი იქნას შესაბამისი საიჯარო ხელშეკრულებები.
1 2 და ა.შ .					

გ) ინფორმაცია შესყიდვაში მონაწილეობის მსურველი პირის ძირითად სპეციალისტთა (იმ ძირითადი ინჟინერ-ტექნიკური პერსონალის, რომელიც დაკავებული იქნება ამ ტენდერით გათვალისწინებული მომსახურების გაწევაზე) კვალიფიკაციის და გამოცდილების შესახებ.

შესყიდვაში მონაწილეობის მსურველ პირს ტენდერით გათვალისწინებული მომსახურების გასაწევად უნდა ჰყავდეს საავტომობილო გზების, ხიდების და სხვა ხელოვნური ნაგებობების სპეციალისტები, გეოლოგი, ჰიდროლოგი, გეოდეზისტი, მოძრაობის უსაფრთხოების და სხვა შესაბამისი პროფილის სპეციალისტები. ხსენებულ ძირითად სპეციალისტებს უნდა გააჩნდეთ ტენდერით გათვალისწინებული ანალოგიური ხასიათის, სირთულის და შინაარსის მომსახურების გაწევის არანაკლებ 5 წლიანი გამოცდილება.

ინფორმაცია წარმოდგენილი იქნას ქვემოთ მოყვანილი ცხრილის შესაბამისად.

თანამდებობა, სპეციალობა	გვარი, სახელი	მუშაობის საერთო გამოცდილება (წელი)	ანალოგიური მომსახურების გაწევის გამოცდილება	ბიოგრაფიული მონაცემები (ინსტიტუტის დამთავრების წელი, სპეციალობა დიპლომის მიხედვით, ორგანიზაციების დასახელება და ამ ორგანიზაციებში დაკავებული თანამდებობები წლების მიხედვით. ანალოგიური მომსახურების გაწევის გამოცდილება კონკრეტული ობიექტების მითითებით, დაკავებული თანამდებობა და ფუნქცია).
1				
2				
და ა.შ.				

დ) ინფორმაცია შესყიდვაში მონაწილეობის მსურველი პირის მიერ, უკანასკნელი 3 (სამი) წლის განმავლობაში გაწეული ანალოგიური ხასიათის, სირთულის და შინაარსის მომსახურების გამოცდილების შესახებ.

შესყიდვაში მონაწილეობის მსურველ პირს (უშუალოდ ტენდერში მონაწილე პირს, ან ქვეკონტრაქტორთან ერთობლიობაში) უკანასკნელი 3 (სამი) წლის განმავლობაში, ერთ-ერთ წელს მაინც გაწეული უნდა ჰქონდეს ტენდერით გათვალისწინებული ანალოგიური ხასიათის, სირთულის და შინაარსის შესაბამისი არა ნაკლებ 50,0 მლნ ლარის მოცულობის სამუშაოებზე საზედამხებველო მომსახურება.

უშუალოდ შესყიდვაში მონაწილეობის მსურველი პირის (ქვე-კონტრაქტორის გარეშე) გამოცდილება უნდა შეადგენდეს ტენდერით გათვალისწინებული ანალოგიური სამუშაოების საერთო გამოცდილების არა ნაკლებ 50%-ს.

შესყიდვაში მონაწილეობის მსურველმა პირმა უნდა წარმოადგინოს გაწეული, ტენდერით გათვალისწინებული ანალოგიური ხასიათის, სირთულის და შინაარსის მომსახურებაზე გაფორმებული ხელშეკრულებების და ამ მომსახურების დასრულების დამადასტურებელი დოკუმენტის ასლები (მომსახურების გაწევის აქტი, ან/და გაწეული მომსახურების მიღება-ჩაბარების აქტი, ან/და დამკვეთის მიერ გაცემული გაწეული მომსახურების დამადასტურებელი ცნობა). ეს მოთხოვნა არ ვრცელდება საავტომობილო გზების დეპარტამენტის დაკვეთით შესრულებულ მომსახურებაზე.

ინფორმაცია წარმოდგენილი იქნას ქვემოთ მოყვანილი ცხრილის შესაბამისად

№	მომსახურების დასახელება (თითოეული ობიექტის დასახელებით)	შემსყიდველის დასახელება	ხელშეკრულების ღირებულება (ცალ-ცალკე სამშენებლო და საზედამხებველო ღირებულებები)	წარმოდგენილი იქნას ხელშეკრულებების ასლები და ფაქტიურად გაწეული მომსახურების (ცალ-ცალკე სამშენებლო და საზედამხებველო) ღირებულებები
1				
2				

და ა.შ.				
------------	--	--	--	--

ე) ინფორმაცია ქვე-კონტრაქტორის მიერ გასაწევი მომსახურების შესახებ.

-- შენიშვნა: ქვე-კონტრაქტორის აყვანის შემთხვევაში, ქვე-კონტრაქტორზე წარმოდგენილი იქნას შემდეგი სახის ინფორმაცია.

* ქვე-კონტრაქტორის დასახელება და მისამართი;

* გასაწევი მომსახურების დასახელება;

* გასაწევი მომსახურების ღირებულება;

* ანალოგიური მომსახურების გაწევის გამოცდილება. წარმოდგენილი იქნას ის ძირითადი ობიექტები, რომელზეც ქვე-კონტრაქტორს გაწეული აქვს ანალოგიური მომსახურება, თანხების და შესრულების ვადების მითითებით. წარმოდგენილი უნდა იქნას ასევე ამ ობიექტებზე ხელშეკრულებების ასლები და მომსახურების დასრულების დამადასტურებელი დოკუმენტის ასლები—მომსახურების გაწევის აქტი, ან/და გაწეული მომსახურების მიღება-ჩაბარების აქტი, ან/და დამკვეთის მიერ გაცემული გაწეული მომსახურების დამადასტურებელი ცნობა. ეს მოთხოვნა არ ვრცელდება საავტომობილო გზების დეპარტამენტის დაკვეთით გაწეულ მომსახურებაზე).

ინფორმაცია წარმოდგენილი იქნას ქვემოთ მოყვანილი ცხრილის შესაბამისად

ქვე-კონტრაქტორი (დასახელება, მისამართი)	გასაწევი მომსახურების დასახელება	გასაწევი მომსახურების ღირებულება	ქვე-კონტრაქტორის მიერ ანალოგიური მომსახურების გაწევის გამოცდილება
1			
2			
და ა.შ.			

-- ქვე-კონტრაქტორის შესახებ წარმოდგენილი ინფორმაცია განიხილება შესყიდვაში მონაწილეობის მსურველი პირის საკვალიფიკაციო მონაცემებთან ერთობლიობაში. ქვე-კონტრაქტორის მიერ გასაწევი მომსახურების ჯამური მოცულობა არ უნდა აღემატებოდეს გასაწევი მომსახურების მთლიანი მოცულობის 40%.

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს ელექტრონული ტენდერის სისტემაში ატვირთვის თარიღს.

2.3. ამ პუნქტის 2.2. ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი

დოკუმენტები, დედნის სახით ან ნოტარიულად დამოწმებული ასლები, წარმოდგენილი უნდა იქნეს შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

2.5. პრეტენდენტის მიერ წარმოსადგენი ამ პუნქტის 2.1.3. ქვეპუნქტით გათვალისწინებული საკვალიფიკაციო მონაცემები ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად.

2.6. ანგარიშსწორების პირობები:

2.6.1. ანგარიშსწორება მოხდება უნაღდო ანგარიშსწორებით ლარში.

2.6.2. ანგარიშსწორება მოხდება ფაქტიურად გაწეული მომსახურების შესაბამისად, მომსახურების გაწევის შემდეგ ყოველთვიურად, ანგარიშფაქტურის წარმოდგენიდან 28 დღის განმავლობაში.

2.6.3. წინასწარი ანგარიშსწორების (ავანსი) წესი განისაზღვრება ხელშეკრულების პროექტით განსაზღვრული პირობებით.

2.7. ხელშეკრულების უზრუნველყოფის საბანკო გარანტია:

2.7.1. ტენდერში გამოყენებული იქნება ხელშეკრულების უზრუნველყოფის საბანკო გარანტია, ხელშეკრულების საერთო ღირებულების 5%-ის ოდენობით. დანართი №3-ის მიხედვით.

2.7.2. ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული მომსახურების გაწევის ვადას.

2.8. შესყიდვის ობიექტის ტექნიკური დავალება:

2.8.1. ტექნიკური პირობები

2011 წლის განმავლობაში (ხელშეკრულების მოქმედების პერიოდი) საერთაშორისო და შიდასახელმწიფოებრივი მნიშვნელობის საავტომობილო გზებზე შესასრულებელი სარეაბილიტაციო სამუშაოების სავარაუდო ღირებულება, დღგ-ს ჩათვლით შეადგენს 100 მლნ. ლარს.

მიმწოდებელმა უნდა აწარმოოს ყოველ კონკრეტულ ობიექტზე შესასრულებელი სარეაბილიტაციო სამუშაოების ტექნიკური ზედამხედველობა და მიღება საპროექტო დოკუმენტაციის ან/და დეფექტური უწყისის, ასევე ტექნიკური დავალების და ხელშეკრულების საერთო და სპეციფიკური პირობების შესაბამისად.

საპროექტო დოკუმენტაციიდან ან/და დეფექტური უწყისიდან გადახრები აუცილებლად უნდა შეთანხმდეს შემსყიდველთან.

საპროექტო დოკუმენტაციით ან/და დეფექტური უწყისით გათვალისწინებული გადაწყვეტილებიდან გადახრის შემთხვევაში უნდა არსებობდეს შეთანხმების დამადასტურებელი დოკუმენტი.

საზედამხედველო მომსახურების ტექნიკური აღწერილობა:

რეაბილიტაცია ითვალისწინებს:

რეაბილიტაცია ითვალისწინებს განივი და გრძივი პროფილების აღდგენას, ვირაუების მოწყობას, მიწის ვაკის სივანის, ფერდობების და წყალგამტარი ნაგებობების გეომეტრიული პარამეტრების მიყვანას საპასპორტო (საპროექტო) მაჩვენებელამდე, გადატვირთული სატრანსპორტო კვანძებში მოძრაობის ერთ დონეში გახსნის სრულყოფას, წყალამრიდი ნაგებობების მთლიან აღდგენას ან ახლის მოწყობას, სამოსის კონსტრუქციის მოძრაობის ინტენსივობის შესაბამისად გაძლიერებას, ხელოვნური ნაგებობების (კალაპოტების და სარეგულაციო ნაგებობების ჩათვლით) კონსტრუქციული ელემენტების შესწორებას და აღდგენას, მოძრაობის რეგულირების ტექნიკური საშუალებების სრულყოფილ აღდგენას ან გზის მათი ახალი დისლოკაციის პროექტის მიხედვით აღჭურვას, გზის კეთილმოწყობის ახალი მოთხოვნების მიხედვით სრულყოფას მათი თანამდგომი სამუშაოების შესრულებით, შესაბამისი საპროექტო დოკუმენტაციის შედგენით.

რეაბილიტაციის შედეგად მთლიანად უნდა აღდგეს გზის ტექნიკური მაჩვენებლები და გაიზარდოს გზის პრაქტიკული გამტარუნარიანობა. რეაბილიტაციის შედეგად უნდა გაუმჯობესდეს გზის ტექნიკური და საექსპლოატაციო მაჩვენებლები.

რეაბილიტაციის ძირითადი სამუშაოები:

მიწის ვაკისზე ხორციელდება:

ა. მიწის ვაკისის და წყალამრიდი ნაგებობების სრულყოფილი აღდგენა, მიწის ვაკისის შევიწროვების გამომწვევი მიზეზების აღმოფხვრა, ყრილების და ჭრილების ფერდობების დახრილობის და გამაგრების მთლიანი აღდგენა და სრულყოფა.

ბ. გვერდულების მთლიანი სრულყოფილი აღდგენა, მოშანდაკება, დატკეპნა, გამაგრება და საჭიროების შემთხვევაში გამაგრება.

გ. მეწყერების, ზეგეების და ჩამონაშაღებისაგან გზის მთლიანი გაწმენდა და ამ მოვლენების გამომწვევი მიზეზების ლოკალიზაციისათვის ღონისძიებების განხორციელება.

დ. მეწყრული, დაბურცული და სხვა არამდგრად მოკლე მონაკვეთებზე მიწის ვაკისის კონსტრუქციის გაძლიერება.

ე. აღმართებზე, ქანობების სიდიდიდან და ტრანსპორტის ინტენსიობიდან გამომდინარე, სატვირთო მოძრაობისათვის დამატებითი ზოლის მოსაწყობად მიწის ვაკისის სათანადო გაგანიერება.

ვ. სარეაბილიტაციო მონაკვეთზე მოძრაობის უსაფრთხოებისა და მხედველობის არის გაუმჯობესების მიზნით, გრძივი ქანობისა და ჰორიზონტალური მრუდების შეცვლა, თუ მათი საერთო სიგრძე არ აღემატება მთლიანი მონაკვეთის სიგრძის 10%-ს.

ზ. სატრანსპორტო კვანძებში მოძრაობის ორგანიზაციის სრულყოფისათვის მიწის ვაკისის სათანადო გაგანიერება.

თ. წყალამრიდი ნაგებობების მთლიანი შეკეთება, აღდგენა და საჭიროების შემთხვევაში სრულყოფა და ახლის მოწყობა.

ი. მიწის ვაკისის ფერდობების და ნაპირსამაგრი სარეგულაციო ნაგებობების აღდგენა და სრულყოფა.

გზის სამოსზე ხორციელდება:

ა. საფარის დაზიანებული (ტალღები, ნაბურცები, ბზარები და სხვა) ლიკვიდაცია და ახალი ასფალტბეტონის საფარის მოწყობა, განივი პროფილების მიკროდეფორმაციების შემასწორებელი ფენით გასწორება და მრუდეებზე ვირაჟების ნორმების შესაბამისად მოწყობა.

ბ. გრძივი პროფილის სისწორის აღდგენა, ჯდენების შემთხვევაში მიკროდეფორმაციების ლიკვიდაცია.

გ. გზის სამოსის კონსტრუქციის გაძლიერება მოძრაობის საანგარიშო ინტენსივობის მოთხოვნის მიხედვით.

დ. დაზიანებულ და დეფორმირებულ მონაკვეთზე სამოსის მთლიანი შეცვლა ან ახალი უფრო სრულყოფილი სამოსის კონსტრუქციის მოწყობა.

ე. საჭიროების შემთხვევაში გვერდულებზე სავალი ნაწილის გამაგრების და ტრანსპორტის გასაჩერებელი ზოლების მოწყობა.

ვ. აღმართებზე ქანობის სიდიდიდან და ტრანსპორტის ინტენსივობიდან გამომდინარე სატვირთო მოძრაობისათვის დამატებითი ზოლის მოწყობა.

ზ. სატრანსპორტო კვანძებში მოძრაობის ორგანიზაციის ერთ დონეზე სრულყოფისათვის საჭირო ახალი სამოსის მოწყობა.

თ. ავტობუსების გაჩერებებზე, დასასვენებელ მოედნებზე და მათთან მისასვლელებზე საჭიროების შემთხვევაში, ახალი საფარის მოწყობა

ხელოვნურ და დამცავ დაგებობებზე ხორციელდება:

ა. ნაგებობების დაზიანებული კონსტრუქციული ელემენტების აღდგენა, ხიდებზე ახალი ტროტუარების, ზღუდარების და მოაჯირების მოწყობა.

ბ. ბურჯების და სარეგულაციო ნაგებობების მდგრადობის უზრუნველსაყოფად დამატებითი გამაგრებების განხორციელება.

გ. არსებული საყრდენი კედლების აღდგენა და საჭიროების შემთხვევაში ახლის მშენებლობა.

დ. ლითონის ხიდების სამაღლო ნაშენების ნაწილობრივ დაკარგული მზიდუნარიანობის აღდგენა, ჟანგისგან სათანადო გაწმენდა, ანტისეპტირება და სრულყოფილი გადაღებვა.

ე. ნორმატივებით დასაშვებზე ნაკლები ხერცის არსებული წყალგამტარი მიწების ახლით შეცვლა.

ვ. საჭიროების შემთხვევაში ხიდების გამოცდა.

მოძრაობის რეგულირების ტექნიკური საშუალებების და გზის კეთილმოწყობის ზედამხედველობა

ა. საგზაო ნიშნებისა და ფარების მთლიანი აღდგენა ან გზის მოძრაობის რეგულირების ტექნიკური საშუალებებით ახალი დისლოკაციის პროექტის მიხედვით აღჭურვა.

ბ. ზღუდარების აღდგენა, განახლება და საჭიროების შემთხვევაში ახლების დაყენება.

გ. ვერტიკალური და ჰორიზონტალური მონიშვნის აღდგენა ან ახალი პროექტით შესრულება.

დ. ტროტუარებისა და საცალფეხო ბილიკების, ავტობუსების გაჩერებების, დასასვენებელი მოედნების და პავილიონების მთლიანი აღდგენა და კეთილმოწყობა ან საჭიროების შემთხვევაში ახლის მოწყობა.

საავტომობილო გზების ტექნიკური მდგომარეობის შეფასების კრიტერიუმები

საავტომობილო გზების სატრანსპორტო საექსპლუატაციო მაჩვენებლების განმსაზღვრელი ძირითადი პარამეტრები და მახასიათებლებია:

- გეომეტრიული პარამეტრები – სავალი ნაწილის სიგანე და მისი განაპირა გამაგრების ზოლების სიგანე, გვერდულების საერთო და გამაგრებული ნაწილის სიგანე, გრძივი ქანობები, მრუდების რადიუსები გეგმაში და პროფილში; ვირაჟების ქანობები და ხილვადობის მანძილები; წყალამრიდის (კიუვეტების) სიგანეების, სიმაღლეების და ქანობების სიდიდეები;

- სავალი ნაწილის საგზაო სამოსის და გვერდულების სიმტკიცე და მდგრადობა; სავალი ნაწილის საფარისა და გვერდულების სისწორე და შეჭიდულობა;

- მიწის ვაკისის მდგომარეობა;

- წყლის აცილების მდგომარეობა და ეფექტურობა;

- ხიდების, გზაგამტარის და სხვა ხელოვნური ნაგებობების გაბარიტები, ტვირთამწეობა და მდგრადობა;

- გზის საინჟინრო მოწყობილობებისა და აღჭურვილობის მდგომარეობა

სარეაბილიტაციო ობიექტებზე საზედამხედველო მომსახურების ზოგადი პირობები

- სარეაბილიტაციო ობიექტების ტექნიკური ზედამხედველობა მიმწოდებელმა უნდა გაწიოს შესასრულებელ სამუშაოებზე (სარეაბილიტაციო სამუშაოებზე) საპროექტო-სატენდერო დოკუმენტაციის ან/და დეფექტური უწყისის მიხედვით.

საპროექტო-სატენდერო დოკუმენტაციიდან ან/და დეფექტური უწყისიდან გადახრები აუცილებლად უნდა შეთანხმდეს შემსყიდველთან.

- სარეაბილიტაციო სამუშაოების შესრულების და დასრულების პროცესში სარეაბილიტაციო სამუშაოების შეფასება და მათი პერიოდული მიღება აქტის გაფორმებით მიმწოდებელმა უნდა განახორციელოს შემდეგ სახეობებზე და მოცულობებზე;

მიწის ვაკისი

1. ყრილის მოწყობის სამუშაოების მიღება;
2. შემოწმებული უნდა იყოს ყრილის მოსაწყობად გამოყენებული გრუნტის შესაბამისობა საპროექტო მოთხოვნებთან, გრუნტის ტენიანობა, სიმკვრივე, დატკეპვნის ხარისხი ლაბორატორიული დასკვნების საფუძველზე, ზედაპირის სისწორე, წყალსაცავებლები და სადრენაჟო ნაგებობების შესრულების სისწორე;
3. ინსტრუმენტალურად უნდა იქნეს შემოწმებული გზის ღერძის სისწორე, განივი ქანობები, ყრილის ფერდობების ქანობები, უნდა იქნას დადგენილი ყრილის გეომეტრიული ზომები. სამუშაოს მიმდებმა მშენებელი ორგანიზაციისაგან უნდა მოითხოვოს შემდეგი საშემსრულებლო ტექნიკური დოკუმენტაცია:
 - სამუშაოს წარმოების ჟურნალი;
 - ფარული სამუშაოების აქტი სასარგებლო ფენის მოჭრაზე; მიწის ვაკისის დატკეპვნის საკონტროლო ჟურნალი;
 - ყრილის მოსაწყობად გამოყენებული გრუნტის ლაბორატორიული გამოცდის დასკვნა;
 - ყრილის გეოდეზიური დაკვალების ჟურნალი

ჭრილის მოწყობის სამუშაოების მიღება

შემოწმებული უნდა იქნას გზის ღერძის სისწორე გეოდეზიური ინსტრუმენტების გამოყენებით, ჭრილის ფერდობების ქანობები, ფერდობების გამაგრება, ჭრილის

გეომეტრიული ზომები, წყალსაცავილებელი და მათი პროექტებთან შესაბამისობა, გარდა ამისა სამუშაოს მიმღები ვალდებულია მოითხოვოს მშენებლისაგან შემდეგი საშემსრულებლო-ტექნიკური დოკუმენტაცია;

- სამუშაოს წარმოების ჟურნალი;
- გეოდეზიური დაკვალვის ჟურნალი

ბეტონის სამუშაოების მიღება

ბეტონისა და რკინაბეტონის კონსტრუქციების მიღებისას უნდა იქნას შემოწმებული:

- კონსტრუქციების შესაბამისობა მუშა ნახაზებთან;
- მათი განლაგების სისწორე გეგმაში და სიმაღლეში;
- ბეტონის ხარისხის სიმტკიცე ლაბორატორიული შემოწმებით;
- ბეტონის ხარისხის ყინვაგამძლეობა;
- ბეტონის ხარისხის წყალშედწევადობა;
- საჭიროების შემთხვევაში სხვა პარამეტრების დადგენა;
- ნახერცების, დეფორმაციული ნაკერების, აგრეთვე ჩასაყოლებელი ნაწილების და სხვათა შესაბამისობა პროექტთან;
- კონსტრუქციებში გამოყენებული მასალების, ნახევარფაბრიკატების და ნაკეთობის ხარისხი.

1. შესრულებული ბეტონის და რკინაბეტონის კონსტრუქციების გადახრები ზომებში და მდებარეობაში არ უნდა აღემატებოდეს ნორმატივებით დაშვებულ გადახრებს, თუ დასაშვებები სპეციალურად არ არის მითითებული პროექტში.

2. ბეტონის სამუშაოების მიღებისას ზედამხედველმა კონტრაქტორს უნდა მოთხოვოს შემდეგი სახის საშემსრულებლო დოკუმენტაცია;

- ცემენტობეტონის რეცეპტი
- ბეტონის სამუშაოების ჟურნალი;
- სამუშაოთა წარმოების ჟურნალი
- ბეტონის საკონტროლო ნიმუშების (კუბიკების) ლაბორატორიული გამოცდის შედეგები;
- ფარული სამუშაოების აქტები ქვაბულის მოწყობაზე, ყალიბების დაყენებაზე, არმირებაზე, საძირკვლის მოწყობაზე;
- სერთიფიკატები ქარხნული წესით დამზადებულ კონსტრუქციებზე.

წყალგამტარი მილების მიღება

1. წყალგამტარი მილების მიღების დროს სამუშაოს მიმღები ვალდებულია შეამოწმოს ქვაბულში გრუნტის შესაბამისობა პროექტთან, დაკვალვის

სამუშაოების სისწორე, მაღლის გრძივი ქანობის გეომეტრიული ზომები, საპროექტო ზომებიდან გადახრა არ უნდა აღემატებოდეს ნორმატივებით დაშვებულ გადახრებს.

2. ზედამხედველმა მშენებლისაგან უნდა მოითხოვოს შემდეგი საშემსრულებლო ტექნიკური დოკუმენტაცია:

- სამუშაოთა წარმოების ჟურნალი;
- ბეტონის სამუშაოების ჟურნალი;
- გეოდეზიური დაკვალვის ჟურნალი;
- ცემენტობეტონის რეცეპტი;
- ქარხნული წესით დამზადებულ ელემენტებზე (რგოლებზე) სათანადო სერთიფიკატები;
- ფარული სამუშაოების აქტი საძირკვლის მოწყობაზე;
- ფარული სამუშაოს აქტი ჰიდროიზოლაციის მოწყობაზე;
- საკონტროლო კუბიკების ლაბორატორიული გამოცდის შედეგები;

3. მიღებზე მოწყობილი ყრილის მიღება წარმოებს ჩვეულებრივი ყრილების მიღების ანალოგიურად.

საყრდენი კედლების მიღება

1. საყრდენი კედლების მიღების დროს სამუშაოს მიმღები ვალდებულია შეამოწმოს;

- კედლის მოწყობის შესაბამისობა პროექტთან;
- კედლის გეომეტრიული ზომები;
- მისი განლაგების სისწორე გეგმაში;
- კედლის სიმაღლებრივი ნიშნულები;
- კედლის უკან ჰიდროიზოლაციის და დრენაჟის მოწყობის სისწორე;
- ტემპერატურული ნაკერების მოწყობის სისწორე და ნაკერებს შორის მანძილი

- ბეტონის სამუშაოების ხარისხი.

2. ზედამხედველი ვალდებულია მოითხოვოს მშენებლისაგან შემდეგი სახის სამშენებლო ტექნიკური დოკუმენტაცია:

- სამუშაოთა წარმოების ჟურნალი;
- ბეტონის სამუშაოების ჟურნალი;
- გეოდეზიური დაკვალვის ჟურნალი;
- ცემენტობეტონის რეცეპტი;
- ქარხნული წესით დამზადებულ ელემენტებზე სათანადო სერთიფიკატები;
- ფარული სამუშაოების აქტი ქვაბულის მოწყობაზე;
- ფარული სამუშაოს აქტი ჰიდროიზოლაციის მოწყობაზე;
- საკონტროლო კუბიკების ლაბორატორიული გამოცდის;
- ფარული სამუშაოს აქტი კედლის უკანა დრენაჟის მოწყობაზე;

ორმოული შეკეთების, კიუვეტების და გვერდულების გაწმენდისა და აღდგენითი სამუშაოების მიღება.

ორმოული შეკეთების სამუშაოების მიღების დროს სამუშაოების მიმღებს უნდა წარედგინოს შემდეგი სახის ტექნიკური დოკუმენტაცია:

- სამუშაოების წარმოების ჟურნალი (ასფალტბეტონის ნარევის დაგება ტექნოლოგიის ჩვენებით);
- ორმოული შეკეთების ფარული სამუშაოების აქტი, სადაც უნდა იქნას დაფიქსირებული შემდეგი:
 - ორმოების ირგვლივ წახნაგოვანი გეომეტრიული კონფიგურაციის კონტურის მოწეობის სისწორე;
 - ორმოების ამოსუფთავების ხარისხი;
 - ორმოების ძირისა და გვერდითი წახნაგების ბიტუმით ან ემულსიით დამუშავება და მისი ხარისხი;
 - ორმოებში ასფალტბეტონის ფენობრივი ჩალაგების სისწორე;
 - ფენობრივი დატკეპნის ხარისხი;
 - გამოყენებული ასფალტბეტონის ფენობრივად ჩალაგების სისწორე;
 - ფენობრივი დატკეპნის ხარისხი;
 - გამოყენებული ასფალტბეტონის და საერთოდ კონსტრუქციის შესაბამისობა არსებულთან ან საპროექტო მონაცემებთან
- საგზაო სამშენებლო მასალების (ასფალტბეტონების, ბიტუმის და ქვის მასალები) ხარისხის დამადასტურებელი დოკუმენტაცია.
- გზის საპროექტო განივი კვეთი გვერდულების, კიუვეტების და ფერდების გეომეტრიული ზომის ჩვენებით.
 - სამუშაოს მიმღებმა უნდა შეამოწმოს;
- კიუვეტების გაწმენდისა და აღდგენის სამუშაოების მიღების დროს გვერდულების გეომეტრიული ზომების შესაბამისობა საპროექტოსთან, გვერდულების გამაგრება, ზედაპირის სისწორე, ქანობები, შესრულებული სამუშაოების მოცულობები. წარმოდგენილი უნდა იყოს გვერდულების აღსადგენად გამოყენებული მასალის ლაბორატორიული დასკვნა ვარგისიანობაზე.

გზის სამოსი

საფუძვლის კონსტრუქციული ფენების მიღება

1. საფუძვლის კონსტრუქციული ფენების მიღების დროს ხარისხის შესაბამისობა საპროექტო მონაცემებთან;
 - გამოყენებული საგზაო სამშენებლო მასალების ხარისხის შესაბამისობა საპროექტო მონაცემებთან;
 - ფენების ტენიანობა და დატკეპნის ხარისხი;

- ზედაპირის სისწორე 3 მ-იანი ლარტყის მეშვეობით;
- გზის ღერძის სისწორე და განივი ქანობები ინსტრუმენტების გაზომვის მეშვეობით;

- ფენების სიგრძე და სიგანე;
- წყალსაცვილებელი და სადრენაჟო ნაგებობების მოწყობის სისწორე.

2. ზედამხედველმა მშენებელს უნდა მოსთხოვოს შემდეგი სახის საშემსრულებლო-ტექნიკური დოკუმენტაცია:

- ფარული სამუშაოების აქტი მიწის ვაკისის მოწყობაზე;
- სამუშაოების წარმოების ჟურნალი.
- ფარული სამუშაოების აქტები ცალკეული ფენის მოწყობაზე;
- საფუძვლის დატკეპნის ჟურნალი
- საგზაო-სამშენებლო მასალების ლაბორატორიული გამოცდის დასკვნები
- რეცეპტები ოპტიმალური ნარევების მოწყობაზე;

3. კაპიტალური და გაუმჯობესებული ტიპის საფარის ქვეშ, როგორც წესი საფუძვლის ზედა ფენა ეწყობა მონოლითური კონსტრუქციული ფენებისაგან, როგორიცაა ასფალტბეტონი, შავი ღორღი, დაბალი სიმტკიცის ცემენტბეტონი და გაუღნთვის მეთოდით მოწყობილი ფენა. ზემოთ ჩამოთვლილი მასალებისაგან მოწყობილი საფუძვლის ფენისა და საფარის ფენის მოწყობის ტექნოლოგია და მიღების წესი ანალოგიურია და დეტალურად განხილულია საფარის მიღების ქვეთავში.

საფარის კონსტრუქციული ფენების მიღება

1. საფარის კონსტრუქციული ფენების მიღების დროს უნდა იქნას შემოწმებული:

- ნიშნულები გზის ღერძის გასწვრივ;
- სიგანე და სისქე
- განივი ქანობი:
- ზედაპირის სისწორე განაშუქის გაზომვით 3 მ-ნი ლარტყის ქვეშ;
- დატკეპნის ხარისხი, დატკეპნის კოეფიციენტი არ უნდა იყოს 0.98 –ზე ნაკლები.

- ზედამხედველმა უნდა მოსთხოვოს მოიჯარადეს შემდეგი საშემსრულებლო-ტექნიკური დოკუმენტაცია:
- ფარული სამუშაოების აქტი სამუშაოების მოწყობაზე;
- სამუშაოების წარმოების ჟურნალი
- ფარული სამუშაოების აქტები საფარის ქვედა ფენის მოწყობაზე
- საგზაო სამშენებლო მასალების ლაბორატორიული გამოცდის დასკვნები;
- რეცეპტი ასფალტბეტონის მომზადებაზე;
- ასფალტბეტონის საფარიდან ამოჭრილი ნიმუშების არჩევისა და გამოცდის ჟურნალი.

2. ზედაპირული დამუშავებით მოწყობილი ფენის მიღების დროს მთავარი ყურადღება მიექცეს ღორღის განაწილების ერთგვაროვანობას.

3. მშენებელმა მიმღებს უნდა წარუდგინოს შემდეგი საშემსრულებლო-ტექნიკური დოკუმენტაცია

- ბიტუმისა და ქვის მასალების ლაბორატორიული დასკვნა
- ბიტუმის მომზადების ჟურნალი, ბიტუმის დასხმის ჟურნალი
- ზედაპირულ დამუშავებას დაქვემდებარებული საფარის ზედაპირის გასუფთავების აქტი.

დამთავრებული გზის მონაკვეთის მიღება

1. დამთავრებული გზის მონაკვეთის მიღების დროს უნდა მოხდეს შესრულებული სარეაბილიტაციო სამუშაოების შემოწმება ნატურაში, საკონტროლო გაზომვები, შემოწმებული უნდა იქნას სამშენებლო მასალებისა და საკონტროლო ნიმუშების საწარმოო და ლაბორატორიული გამოცდის შედეგები. ჩანაწერები სარეაბილიტაციო სამუშაოების წარმოების საერთო ჟურნალში და სპეციალურ ჟურნალებში შესრულებული სარეაბილიტაციო სამუშაოების ცალკეული სახეობების მიხედვით.

2. ფარული სამუშაოების აქტების მიხედვით უნდა იქნას მიღებული ისეთი სამუშაოები, როგორიცაა:

- სასარგებლო ფენის მოჭრა ყრილების მოწყობის დროს
- ამოძირკვის სამუშაოები;
- საფეხურების მოწყობა ფერდობებზე;
- ხიმიწოვანი ან სხვა ტიპის საფუძვლის მოწყობა ყრილის ქვეშ;
- თბოსაიზოლაციო ფენების მოწყობა;
- წყალსაცავი და სადრენაჟო ნაგებობების მოწყობა;
- კალაპოტების გამაგრება წყალსაცავი ნაგებობების წინ;
- მიწის ვაკისის მოწყობა, დატკეპნა და მისი ზედაპირის მომზადება საგზაო სამოსების მოსაწყობად;

- საგზაო სამოსის კონსტრუქციული ფენების მოწყობა და დატკეპნა

3. ობიექტის მიღების დროს უნდა იქნას შემოწმებული;

- საგზაო სამოსის ფენის სიმკვრივე;
- საგზაო სამოსის ფენების სისწორე სიმაღლებრივი ნიშნულების აღგებრული სახეობის განსაზღვრის გზით.

3. შესრულებული სარეაბილიტაციო სამუშაოს მიღებისას გრძივი მიმართულებით გზის ზედაპირის სისწორის წინასწარი შეფასება წარმოებს ან გრაფიკული ჩანაწერის საფუძველზე ან ავტომატური გავლით მთელ ჩასაბარებელ მონაკვეთზე მოძრაობის თვითოეულ ზოლზე.

საზედამხედველო ობიექტზე საფარის სისწორის გასაზომად განივი ქანობის მიმართულებით და ცენტრალური ღერძის პარალელურად გამოიყენება 3 მ სიგრძის ლარტყა. დეფექტურად ითვლება მონაკვეთი ღერძოთი 4 (7) მმ ლარტყასა და საფარის ზედაპირს შორის. ახალი საფარი უნდა იყოს ერთგვაროვანი ბზარებისა

და ზედაპირზე შემკვრელის დაფარვის გარეშე. დეფექტური მონაკვეთები უნდა შესწორდეს და თავიდან გაიზომოს მიღების ჩატარების დროს.

4. გზის აღჭურვილობისა და გაფორმების მიღების დროს უნდა იყოს შემოწმებული:
 - ღობურების მონტაჟისა და შეღებვის სისწორე;
 - გამყოფი ზოლის მდგომარეობა
 - ჰორიზონტალური და ვერტიკალური მონიშვნის პროექტისა და სტანდარტების მოთხოვნებთან შესაბამისობა;
 - საგზაო ნიშნების დაყენების სისწორე;
 - საყრდენების ჩადრმავებისა და კონსტრუქციის შესაბამისობა ნორმატიული დოკუმენტების მოთხოვნებთან;
 - სასიგნალო ბოძკინტების შეღებვის სისწორე და პროექტთან შესაბამისობა.
 - განთვისების ზოლის მდგომარეობა.

ყოველ კონკრეტულ ობიექტზე შესასრულებელი სარეაბილიტაციო სამუშაოების სახეობები განისაზღვრება საპროექტო-სატენდერო დოკუმენტაციით ან/და დეფექტური უწყისით.

შემსყიდველის მხრიდან მომსახურების მიმღები პირი (ტექნიკური მონიტორინგის განმასხვრციელბელი) ვაღდებუღია:

- სახელშეკრულებო დოკუმენტაციის შესაბამისად სისტემატურად აწარმოოს გაწეული მომსახურების კონტროლი და არაუგვიანეს ყოველი თვის 5 რიცხვის 18.00 საათამდე მიმწოდებელთან ერთობლივად გააფორმოს და წარუდგინოს საგზაო დეპარტამენტის ფინანსების მართვის სამმართველოს სათანადო დოკუმენტები ანგარიშები გაწეული მომსახურების ასანაზღაურებლად.

მიმწოდებელი ვაღდებუღია:

- შეამოწმოს და გადასცეს დეპარტამენტს განსახილველად და დამატებითი სახსრების გამოყენების მიზნით მშენებელის მიერ წარმოდგენილი დოკუმენტაცია იმ სამუშაოებზე, რომელთა საჭიროება სარეაბილიტაციო სამუშაოების წარმოების პროცესში წამოიჭრა დამატებით და ისინი გათვალისწინებული არ არიან საპროექტო-სატენდერო დოკუმენტაციით.

- საანგარიშო წლის დამთავრებასთან დაკავშირებით მშენებლებთან ერთად შეადგინონ გარდამავალ ობიექტებზე საინვენტარიზაციო უწყისები და გადასცენ დეპარტამენტის საფინანსო სამმართველოს მომავალი პერიოდის გეგმაში გასათვალისწინებლად.

- წარუდგინოს პრეტენზიები მშენებელს ხელშეკრულების პირობების შეუსრულებლობისათვის ან/და სარეაბილიტაციო სამუშაოების უხარისხოდ შესრულებისათვის. საჭირო შემთხვევაში აჩერებს სარეაბილიტაციო სამუშაოებს და შემდგომი რეაგირებისათვის სათანადო ინფორმაციას მიაწოდებს შემსყიდველს.

- მონაწილეობა მიიღოს და წარუდგინოს სახელმწიფო ან საუწყებო მიმღებ კომისიას საჭირო დოკუმენტაციები ობიექტების სარეაბილიტაციო სამუშაოების დასრულების შესახებ.
- მიმწოდებელი პასუხისმგებელია მშენებლის მიერ საპროექტო-სატენდერო დოკუმენტაციით ან/და დეფექტური უწყისით გათვალისწინებული სარეაბილიტაციო სამუშაოების ტექნოლოგიური პროცესების, აგრეთვე სამშენებლო ნორმებისა და წესების დაცვაზე.

ნორმატიული დოკუმენტები

ყოველ კონკრეტულ სარეაბილიტაციო სამუშაოებზე საზედამხებელო მომსახურება უნდა განახორციელდეს საპროექტო დოკუმენტაციის ან/და დეფექტური უწყისის, საქართველოში მოქმედი ყველა ნორმების, სტანდარტების და წესებისა, აგრეთვე ტექნიკური დავალების, ხელშეკრულების საერთო და სპეციფიკური პირობების თანახმად.

მხარეების მოქმედება წლიური მოცულობის ცვალებადობის შემთხვევაში

წლიური მომსახურების მოცულობის ცვალებადობის შემთხვევაში მხარეები ხელმძღვანელობენ სახელმწიფო შესყიდვის ხელშეკრულებით გათვალისწინებული მომსახურების ღირებულების ოდენობით.

იმ შემთხვევაში, როცა ყოველ კონკრეტულ სარეაბილიტაციო სამუშაოს პროცესში დაფიქსირდება სამუშაოების (სარეაბილიტაციო სამუშაოები) უხარისხოდ შესრულება და ამ სამუშაოების შემსრულებელმა კონტრაქტორმა არ შეასრულა ზედამხედველის მითითება და არ გამოასწორა შესრულებული სამუშაოების ხარისხი, მიმწოდებელი ვალდებულია გასცეს განკარგულება სამუშაოების (სარეაბილიტაციო სამუშაოები) შეჩერების შესახებ და ინფორმაცია მიღებული ზომების შესახებ დაუყოვნებლივ გადასცეს შემსყიდველს შესაბამისი რეაგირებისათვის

2.9. გასაწევი მომსახურების ხარჯთაღრიცხვა და ფასები:

2.9.1. პრეტენდენტმა უნდა წარმოადგინოს გასაწევი მომსახურების ხარჯთაღრიცხვა დანართი №4-ის მიხედვით.

2.9.2. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.10. მომსახურების გაწევის ვადები:

2.10.1. მომსახურების გაწევის სავალდებულო ვადაა 2011 წელს ხელშეკრულების გაფორმებიდან 2011 წლის 31 დეკემბრის ჩათვლით.

2.11. პრეტენდენტმა უნდა წარმოადგინოს რეკვიზიტები, სატენდერო წინადადების ფასი, ხელშეკრულების უზრუნველყოფის საბანკო გარანტიის ოდენობა და სატენდერო წინადადების მოქმედების ვადა დანართი №2-ის მიხედვით.

3. ხელშეკრულების პროექტი

სახელმწიფო შესყიდვის შესახებ №

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

თბილისი

---- 2011 წ.

საქართველოს რეგიონული განვითარებისა და ინფრასტრუქტურის სამინისტროს სახელმწიფო საქვეუწყებო დაწესებულება – საქართველოს საავტომობილო გზების დეპარტამენტი, მისი თავმჯდომარის პირველი მოადგილის ნუგზარ გასვიანისა და მოადგილის გიორგი წერეთელის სახით, შემდგომში – შემსყიდველი, ერთის მხრივ და ----- სახით, შემდგომში – მიმწოდებელი, მეორეს მხრივ, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. ამ ხელშეკრულების საგანს წარმოადგენს მიმწოდებლის მიერ, საერთაშორისო და შიდასახელმწიფოებრივი მნიშვნელობის საავტომობილო გზების სარეაბილიტაციო სამუშაოების საზედამხებველო მომსახურების შესყიდვაზე – შემდგომში მომსახურება.

მუხლი 2. ღირებულება და ანგარიშსწორების წესი

2.1. ხელშეკრულების მთლიანი ღირებულება, საქართველოს კანონმდებლობით გათვალისწინებული დამატებული ღირებულების გადასახადის გარეშე, შეადგენს ----- (-----) ლარი.

2.2. ხელშეკრულების ჯამური ღირებულება საქართველოს კანონმდებლობით გათვალისწინებული დამატებული ღირებულების გადასახადის გათვალისწინებით შეადგენს ----- (-----) ლარს.

2.3 მხარეები ანგარიშსწორებას ახორციელებენ ლარებში (თუ მიმწოდებელი საქართველოს რეზიდენტი), ამ ხელშეკრულებით გათვალისწინებულ რეკვიზიტებზე, უნაღლო ანგარიშსწორების ფორმით.

2.4 მიმწოდებელი ანგარიშსწორებისას ვალდებულია ყოველ თვეში წარმოადგინოს, ფაქტიურად შესრულებული სამუშაოების მთლიანი და ჯამური (დამატებული ღირებულების გათვალისწინებით) ღირებულება საანგარიშო პერიოდისა და ნაზარდი ჯამის ჩვენებით.

2.5 ანგარიშსწორებისათვის მიმწოდებელი ხელშეკრულებით და ყოველ კონკრეტულ ობიექტზე წარუდგენს შემსყიდველს გაწეული საზედამხედველო მომსახურების მიღება-ჩაბარების ორმხრივი აქტს (წარმოდგენილი უნდა იყოს შესაბამისი დამატებითი ღირებულების გადასახადის ანგარიშ-ფაქტურა), რის საფუძველზეც შემსყიდველი აუნაზღაურებს მიმწოდებელს გაწეული მომსახურების ღირებულებას მიღება-ჩაბარების აქტისა და დამატებითი ღირებულების გადასახადის ანგარიშ-ფაქტურის წარდგენიდან 22 დღის განმავლობაში. ანგარიშსწორება მოხდება ხარისხის მოცულობის პირობებით გათვალისწინებული დაქვითვებისა და სხვა ჯარიმების გათვალისწინებით.

2.6 მიმწოდებელი ვალდებულია ანგარიშსწორებისას წარუდგინოს შემსყიდველს, ფაქტიურად გაწეული მომსახურების მთლიანი და ჯამური (დამატებითი ღირებულებისა და სხვა გადასახადების გათვალისწინებით) ღირებულება.

2.7 ანგარიშსწორება განხორციელდება მიღება-ჩაბარების აქტის (ფაქტიურად გაწეული მომსახურების მოცულობების მიღების აქტი) და დამატებითი ღირებულების გადასახადის ანგარიშ-ფაქტურის გაფორმების საფუძველზე.

2.8 აუცილებლობის (საჭიროების) შემთხვევაში, მიმწოდებელს შეუძლია შემსყიდველს წარუდგინოს წინასწარი წერილობითი თხოვნა ავანსის გაცემასთან დაკავშირებით.

2.9 მიუხედავად შესაბამისი წერილობითი მოთხოვნისა, შემსყიდველი უფლებამოსილია არ დააკმაყოფილოს თხოვნა ავანსის გაცემის თაობაზე.

2.10 შემსყიდველის მიერ ავანსის გაცემასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია წარმოადგინოს გასაცემი ავანსის ოდენობის უპირობო საბანკო გარანტია, რომელიც ძალაში უნდა იყოს გასაცემი ავანსის დაქვითვამდე.

2.11 მიმწოდებელზე გასაცემი საავანსო თანხა განისაზღვრება ხელშეკრულების ჯამური ღირებულების არაუმეტეს 20 პროცენტის ოდენობით. მრავალწლიანი ტენდერის შემთხვევაში საავანსო თანხა გაიცემა იმავე პროცენტული ოდენობით, მოთხოვნის მომენტისათვის არსებული წლის შესაბამისი ღირებულებიდან.

2.12 აღნიშნული თანხა მიმწოდებლის მიერ გამოყენებული იქნება მხოლოდ ამ კონტრაქტით გათვალისწინებული სამუშაოების ჩატარების მიზნით. შემსყიდველის მიერ გაცემული ავანსის დაკავება მოხდება ქვემოთ მოყვანილი წესის თანახმად:

$$A*(X\%-Y\%)$$

$$Z = \text{-----}$$

$$70 - 20$$

$Z =$ არის გამოსაქვითი თანხა საანგარიშო პერიოდში;

$A =$ წარმოადგენს გადარიცხული ავანსის თანხას;

$X =$ წარმოადგენს საანგარიშო პერიოდისთვის შესრულებული სამუშაოთა შეფარდებას საწყის საკონტრაქტო ღირებულებასთან, გამოხატულს პროცენტებში. ეს მონაცემი არ აღემატება 70%-ს.

$Y =$ არის (X) წინა პერიოდისათვის.

2.13 შემსყიდველი უფლებამოსილია ამოქმედოს ავანსის უზრუნველსაყოფად გაცემული საბანკო გარანტია მიმწოდებლის მიერ ხელშეკრულების პირობების მე-2 მუხლის 2.12 პუნქტის დარღვევისა და ხელშეკრულების შეწყვეტის შემთხვევაში, თუკი შეწყვეტის მომენტიდან მომწოდებელს არა აქვს დაქვითული გაცემული ავანსი ან მისი ნაწილი.

2.14 ავანსით გათვალისწინებული თანხის გადარიცხვა იწარმოებს უნაღლო ანგარიშსწორების ფორმით მიმწოდებლის მიერ უპირობო საბანკო გარანტიის წარმოდგენის საფუძველზე.

2.15 იმ შემთხვევაში, თუ განსაზღვრული გარემოებების გამო მიმწოდებლის მიერ გაწეული მომსახურების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად გაწეული მომსახურების ღირებულებას ამ ხელშეკრულებით განსაზღვრული ფასების (პროცენტების) შესაბამისად. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელ მომსახურების მოცულობათა შესრულებაზე და მის გადახდაზე.

მუხლი 3. მომსახურების შესაბამისობა

3.1. ხელშეკრულების პირველი მუხლით გათვალისწინებული მომსახურება უნდა შეესაბამებოდეს მოქმედ ნორმებსა და წესებს, მსგავსი მომსახურებისათვის უკვე დადგენილ სტანდარტებს, ტექნიკურ სპეციფიკაციებს, აგრეთვე ტექნიკური დავალებით გათვალისწინებულ პირობებს, რომელიც ამ ნაწილში წინამდებარე ხელშეკრულების მიზნებიდან გამომდინარე მისი განუყოფელი ნაწილი ხდება.

3.2. 3.1. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 4. მომსახურების მიღება-ჩაბარების წესი

4.1. შესყიდვის ობიექტი მიღებულად ჩაითვლება, მხოლოდ მიღება-ჩაბარების აქტის გაფორმების შემდგომ. გაწეულ მომსახურებას მიმწოდებელი აბარებს შემსყიდველს შემსყიდველის მიერ განსაზღვრული წესით.

4.2. იმ შემთხვევაში, თუ გაწეული მომსახურების შუალედური კონტროლის შედეგები უარყოფითია, შემსყიდველს შეუძლია უარი განაცხადოს შესყიდვის ობიექტის ან მისი ნაწილის მიღებაზე და ანაზღაურებაზე.

4.3. გაწეული მომსახურების მიღების და საბოლოო შემოწმების ადგილია შემსყიდველის ადგილსამყოფელი და/ან, საჭირო შემთხვევებში, საზედამხებველო საავტომობილო გზის მონაკვეთი. შემსყიდველი ამოწმებს მიმწოდებლის მიერ გაწეული მომსახურების მოცულობას და ხარისხს.

მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

- ა) მომსახურების შესრულების პროცესში იხელმძღვანელოს ამ ხელშეკრულების 3.1. პუნქტში გათვალისწინებული წესებითა და პირობებით;
- ბ) მიმწოდებელი ვალდებულია შეასრულოს სატენდერო წინადადებაში წარმოდგენილი პროგრამა. პროგრამაში ცვლილებების შეტანა დასაშვებია შემსყიდველის თანხმობით;
- გ) მიმწოდებელი ვალდებულია მომსახურება განახორციელოს ტექნიკური დავალებისა და ხელშეკრულების პირობების თანახმად;
- დ) მიმწოდებელი ვალდებულია შემსყიდველის მოთხოვნის შესაბამისად, წარუდგინოს მას ინფორმაცია გასაწევი ან/და გაწეული მომსახურების შესახებ;
- ე) საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;
- ვ) ანგარიშსწორებისას ყოველთვიურად მიუთითოს ფაქტიურად გაწეული მომსახურების მთლიანი და ჯამური ღირებულება;
- ზ) შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან ლიკვიდაციის შესახებ;

5.2. შემსყიდველი ვალდებულია:

- ა) აწარმოოს ინსპექტირება საამისოდ შერჩეულ პირთან ერთად მომსახურების გაწევის მიმდინარეობაზე, თანახმად ხელშეკრულების პირობების, ტექნიკური დავალების, მომსახურების ტექნიკური სპეციფიკაციების, რომელთა დარღვევის შემთხვევაში იგი უფლებამოსილია შეაჩეროს სამუშაოები;

ბ) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად.

5.3. ხელშეკრულებით განსაზღვრულ მომსახურების გაწევის ვადებში ცვლილებების შეტანა დასაშვებია მხოლოდ შემსყიდველის და მიმწოდებლის ურთიერთშეთანხმების საფუძველზე.

5.4 შემსყიდველი და მიმწოდებელი ერთობლივად მომსახურების გაწევის მიმდინარეობის საკითხებს და საჭიროების შემთხვევაში შეაქვთ მასში სათანადო ცვლილებები.

5.5 ხელშეკრულების დამდებ არც ერთ მხარეს არა აქვს უფლება შეიტანოს ამ ხელშეკრულებით გათვალისწინებული მომსახურების გაწევის ვადებში ცვლილებები მეორე მხარესთან შეთანხმების გარეშე. ვადებში ცვლილებები დასაშვებია მხოლოდ მხარეთა შეთანხმების საფუძველზე.

მუხლი 6. ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 7. პასუხისმგებლობა

7.1. ხელშეკრულების პირობების შეუსრულებლობის ან არაჯეროვნად შესრულებისათვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით საზედამხებდევლო მომსახურების ნარჩენი ღირებულების 01% (ერთი პროცენტი) არაუგვიანეს 14 საბანკო დღეში და უზრუნველყოს დარღვევის დაუყოვნებლივ გამოსწორება.

7.2 იმ შემთხვევაში, თუ მიმწოდებელზე ხელშეკრულების პირობების დაღვევის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5 (ხუთი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება.

ძეხლი 8. ხელშეკრულების შესრულების გარანტია

8.1 ხელშეკრულების შესრულების უზრუნველყოფის მიზნით მიმწოდებელმა შემსყიდველს უნდა წარუდგინოს უპირობო საბანკო გარანტია. საგარანტიო თანხის ოდენობა განისაზღვრება ხელშეკრულების ჯამური ღირებულების 5%-ის ოდენობით. გარანტია უნდა იყოს უპირობო და შემსყიდველს უნდა აძლევდეს უფლებას გარანტიის გამცემი დაწესებულებისგან პირველი მოთხოვნისთანავე მიიღოს შესაბამისი თანხა.

8.2 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიაღება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო, აგრეთვე შემსყიდველის მიერ პირგასამტეხლოს გამოყენების შემთხვევაში.

8.3 მიმწოდებლის მიერ ხელშეკრულების შეუსრულებლობის ან არაჯეროვნად შესრულების შემთხვევაში, შემსყიდველისათვის მიყენებული ზიანის ანაზღაურება ხორციელდება მიმწოდებლის მიერ წარმოდგენილი გარანტიის ფარგლებში, შემსყიდველისათვის მიყენებული ზიანის ოდენობის გათვალისწინებით.

8.4 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია.

8.5 მიმწოდებლის მიერ ხელშეკრულების შეწყვეტის შემთხვევაში შემსყიდველი იყენებს გარანტიას მისთვის ხელშეკრულების შეწყვეტის შედეგად მიყენებული ზიანის ფარგლებში.

8.6 მიმწოდებლისაგან დამოუკიდებელი მიზეზების გამო (ფორს-მაჟორული გარემოებები) ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

8.7 მიმწოდებელი იძლევა გარანტიას, რომ მის მიერ შემსყიდველისათვის გაწეული მომსახურება შეესაბამება ტექნიკური დავალების, მომსახურების ტექნიკური სპეციფიკაციების, ხელშეკრულების პირობების, ასევე ყოველ კონკრეტულ ობიექტზე სამუშაოებისათვის საჭირო საპროექტო დოკუმენტაციის შესაბამისად გაცემული ტექნიკური დავალების პირობებს.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3 ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.4 შემსყიდველი უფლებამოსილია ვადადე ცალმხრივად შეწყვიტოს ამ ხელშეკრულების მოქმედება, თუ:

- ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
- ბ) მიმწოდებლის მიმართ მიმდინარეობს გაკოტრების საქმე. (მიუხედავად მისი დაწყების დროისა);
- გ) მიმწოდებლის ქონებას დაედო ყადაღა;
- დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
- ე) ამოიწურა ხელშეკრულების გარანტიით განსაზღვრული თანხა და მიმწოდებელმა არ წარმოადგინა ახალი გარანტია.

მუხლი 10. უფლებების გადაცემა

10.1 წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

10.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

მუხლი 11. სუბკონტრაქტორები

11.1 მიმწოდებელმა წერილობით უნდა აცნობოს შემსყიდველს წინამდებარე ხელშეკრულების ფარგლებში დადებული ყველა სუბკონტრაქტის შესახებ, თუ ეს უკვე არ არის მითითებული სატენდერო წინადადებაში.

11.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

11.3 ქვე-კონტრაქტორის მიერ შესასრულებელი სამუშაოების ჯამური მოცულობა არ უნდა აღემატებოდეს გასაწევი მომსახურების მთლიანი მოცულობის 40%.

11.4 მომსახურების გაწევის პროცესში ქვეკონტრაქტორის შეცვლა, ან დამატებითი ქვეკონტრაქტორის აყვანა ასევე უნდა შეთანხმდეს შემსყიდველთან. მიმწოდებელი ვალდებულია აცნობოს შემსყიდველს მოცულობის რა ნაწილი გადაეცემა ქვეკონტრაქტორს.

11.5 მიმწოდებელი და მისი ქვეკონტრაქტორი ვალდებული არიან საზედამხედველო ობიექტზე შეარჩიონ და დანიშნონ ის წამყვანი ინჟინერ-ტექნიკური სპეციალისტები, რომლებიც მოხსენებული იყო მიმწოდებლის საკვალიფიკაციო მონაცემებში და მოწონებულია შემსყიდველის მიერ.

11.6 მიმწოდებელი, მის მიერ საკვალიფიკაციო მონაცემებში წარმოდგენილი მასთან მომუშავე წამყვანი ინჟინერ-ტექნიკური სპეციალისტის სიობრივი რაოდენობის ზევით სპეციალისტს(ებს) ნიშნავს შემსყიდველთან შეთანხმებით.

მუხლი 12. შეტყობინება

12.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, წინამდებარე ხელშეკრულებაში მითითებული მეორე მხარის მისამართზე.

12.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან ღებება.

მუხლი 13. ინსპექტირება

13.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულების მიმდინარეობაზე, მათ შორის მომსახურების ხარისხის პერიოდულ ინსპექტირებაზე. გაწეული

მომსახურების ტექნიკური ინსპექტირება და კონტროლი (მონიტორინგი) ევალუატირება შემსყიდველი ორგანიზაციის - საავტომობილო გზების რეაბილიტაციის სამუშაოების ზედამხედველობის სამმართველოს (უფროსი ა. გვაზავა), ხოლო ფინანსური მონიტორინგი – ამავე დეპარტამენტის – ფინანსების მართვის სამმართველოს (უფროსი დ. ჯაგაშვილი).

13.2. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესრულებული სამუშაოს ხარისხის ინსპექტირება.

13.3 მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით

გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

13.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 14. სხვა პირობები

14.1 ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

14.2 იმ შემთხვევაში, თუ მომსახურების გაწევის დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

14.3 მიმწოდებლის სატენდერო წინადადებაში დაფიქსირებული და შემსყიდველთან შეთანხმებული გასაწევი მომსახურების ფასები (პროცენტი) წარმოადგენს ხელშეკრულების ძირითად პარამეტრებს მისი მოქმედების მთელი პერიოდის განმავლობაში.

14.4 წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14.5 მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული უთანხმოების წარმოშობიდან 30 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

14.6 ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.7 მიმწოდებლის საატენდერო წინადადება (საკვალიფიკაციო მონაცემები, ტექნიკური პირობები, სამუშაოების შესრულების მეთოდები, მომსახურების გაწევის გრაფიკი, ხარჯთაღრიცხვა, საგარანტიო უზრუნველყოფა, ნახაზები, სპეციფიკაციები და სხვა დოკუმენტაცია) თან ერთვის და წარმოადგენს წინამდებარე ხელშეკრულების განუყოფელ ნაწილს.

15. ხელშეკრულების მოქმედების ვადა

15.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან (თუ სხვა უფრო კონკრეტული ვადა არ არის განსაზღვრული), მხარეთა მიერ ნაკისრი ვალდებულებების სრულ და ჯეროვან შესრულებამდე – 2011 წლის -----.

მუხლი 16. მხარეთა რეკვიზიტები და ხელმოწერები

შემსყიდველი:

საქართველოს რეგიონული განვითარებისა და ინფრასტრუქტურის სამინისტროს საქართველოს საავტომობილო გზების დეპარტამენტი, მის. საქართველო, თბილისი, ალ. ყაზბეგის გამზირი №12, საიდენტიფიკაციო კოდი 211 343 982, საბანკო რეკვიზიტები: სახელმწიფო ზაზინა, ბ/კ TRESGE22, ანგარიშის №200122900.

ხელმოწერა _____ ნუგზარ გასვიანი

ბ.ა.

ხელმოწერა _____ გიორგი წერეთელი

ბ.ა.

მიმწოდებელი:-----

ხელმოწერა _____

ბ.ა.

4. დამატებითი ინფორმაცია:

4.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, აღ. ყაზბეგის ქ. №12, მე-4 სართული. საკონტაქტო პირი: მიხეილ ჯოჯიშვილი ტელ: +995 32 37 05 08 (292)

აფიდავითი

სატენდერო წინადადების დამოუკიდებლად განსაზღვრის თაობაზე

მე, ქვემოთ ხელმოწერი, _____

(სახელი, გვარი, პ/ნ)

სახელით,

(პრეტენდენტის დასახელება, საიდენტიფიკაციო ნომერი)

წარვუდგენ რა სატენდერო წინადადებას _____

(შემსყიდველი ორგანიზაცია და სატენდერო კომისიის დასახელება)

მის მიერ _____

(ტენდერის გამოცხადების თარიღი და შესყიდვის ობიექტი)

შესყიდვის მიზნით გამოცხადებულ ტენდერში მონაწილეობის მისაღებად, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

1. ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;
 2. უფლებამოსილი ვარ პრეტენდენტის მიერ, ხელი მოვაწერო ამ აფიდავითს და წარვადგინო ეს სატენდერო წინადადება;
 3. ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.
 4. ჩემთვის ცნობილია რომ ტერმინი „კონკურენტი“ აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.
 5. მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 ა) სატენდერო წინადადების ფასი;
 ბ) სატენდერო წინადადების ფასის გამოთვლის მეთოდი, კოეფიციენტი ან ფორმულა;
 გ) სატენდერო წინადადების წარდგენა ან წარდგენისგან თავის შეკავება;
 დ) ისეთი სატენდერო წინადადების განზრახ წარდგენა, რომ ელიც არ აკმაყოფილებს გამოცხადებული ტენდერის პირობებს.
 ე) შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.
 6. სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.
- გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

(პრეტენდენტის რეკვიზიტები)

(პრეტენდენტის უფლებამოსილი წარმომადგენლის სახელი, გვარი და ხელმოწერა)

(თარიღი)

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული

სატენდერო წინადადების ფასი:

3. სატენდერო წინადადების მოქმედების ვადა:

სახელმწიფო შესყიდვების ერთიან ელექტრონულ სისტემაში წინადადების

მიღების დაწყებიდან არა ნაკლებ 30 კალენდარული დღე.

ხელშეკრულების შესრულების საგარანტიო უზრუნველყოფა
(საბანკო გარანტია)

ვის:

(შემსყიდველის დასახელება)

მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____
ტენდერში წარდგენილი თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია _____

გარანტების ხელმოწერა და ბეჭედი

—

(თარიღი)

(მისამართი)

საერთაშორისო და შიდასახელმწიფოებრივი მნიშვნელობის საავტომობილო გზების
სარეაბილიტაციო სამუშაოებზე საზედამხედველო მომსახურება

ხ ა რ ჯ თ ა ღ რ ი ც ხ ვ ა

მომსახურების დასახელება	საერთაშორისო და შიდასახელმწიფოებრივი მნიშვნელობის საავტომობილო გზების სარეაბილიტაციო სამუშაოების სავარაუდო ღირებულება, ლარი	სატენდერო წინადადება	
		საზედამხედველო მომსახურების ღირებულება %	საზედამხედველო მომსახურების ღირებულება, ლარი
1	2	3	4
საერთაშორისო და შიდასახელმწიფოებრივი მნიშვნელობის საავტომობილო გზების სარეაბილიტაციო სამუშაოებზე საზედამხედველო მომსახურება		-----	-----

სულ		-----	-----
დღგ 18%		-----	-----
მთლიანად	100 000 000	-----	-----

შენიშვნა: საჭიროების შემთხვევაში, ზემდგომი ორგანოების შესაბამისი დავალების საფუძველზე, 2011 წლის განმავლობაში აღნიშნული შესყიდვის ფარგლებში განხორციელდება ადგილობრივი მნიშვნელობის საავტომობილო გზებზე სარეაბილიტაციო სამუშაოების საზედამხედველო მომსახურებაც, რაზედაც გაორცელდება წინამდებარე ხელშეკრულებით გათვალისწინებული პირობები.

(ხელმოწერა) (თანამდებობა) (პრეტენდენტის დასახელება)

*) ფასები იანგარიშება საქართველოს კანონმდებლობით დადგენილი ყველა გადასახადის გათვალისწინებით.